

5503.7
4094.1
v.1

詩
疏
創
辨
嫌
疏
封
事

天點集

五三

LIBRARY
UNIVERSITY OF
CALIFORNIA

Carpentier

余觀天默李公遺稿
其爲文也汪洋大健
如水赴壑詩又清越
典雅自中規度當与
古作者並軀要非今

世雕篆之以也及致其
幼事分早結

聖主特達之知久處

經幄啓沃弘多至於孤

戒危急之日力陳戰

守之榮忠言直諫
凜不挫而如論敗事
之相負國之將以辭
義尤嚴受此破膽而
視魄矣善公出入於

沙溪金先生之門學
術精博尤深於易大
而天也陰陽造化之
源小而日用事物當
此理作一困倉為

子家計以收發為文
章措諸事業者無
此易也信乎學易之
易廣矣大矣臨此而
言殆古人所謂名興

通儒者耶其曾孫頤
根氏阮鏐以此稿之未
求弁文願余陋拙何
之以當此屈祥而清
益些故略書于之方以

寓景仰之誠云

崇禎紀元後辛巳年

癸巳季冬日安東權

尚夏陸題

天默先生遺稿目錄

卷一

詩

次韓栗翁靜居賞春論象數韻三首

沙溪金先生挽

次朴丈以恒書堂瀑布韻二首

凡直春坊吟寄崔輝叔

寄曹守而佐幕關東

風詠亭次退溪先生詩韻

送洪元老命耆赴任安東二首

李掌令誠源挽

金副學槃挽

送金浩浩灝佐幕閔東

送朴學魯日省赴任咸平

送李東野垌赴任靈巖

卧病京邸夢歸南鄉舊居回寄林清臞載叔

再和前韻奉寄清臞二首

寄臞仙載叔

趙察訪平挽二首

郭僉知海挽

郭生溪挽

幼新德甫在普賢寺讀易吟寄一絕

高堂令傳川輓

李純厯應魯輓

宋定山致中大夫夫人輓

直春坊夢崔輝叔曰寄一絕二首

張僉知昇世挽

赴召時次郭丈璠餞席韻

吳龍潭腆挽

金主簿復興改葬挽

出城後連夢 世子渡江流涕有感寄玉堂

諸益二首

亂後

杞平君大人俞大逸挽

權生允中挽

張長城腰挽二首

崔察訪微之內挽

戚第丁璠挽

解官南歸訪張孔明不遇

權居昌愼內挽

次沈處士琬五宜軒詩韻

宿洛東江店

次林府伯堦詩韻二首

題朴以恒書堂

送張幼新赴任長城

早春

效康節首尾吟四首

憂國願年豐

淵明採菊

宋玉悲秋

雲從龍

浙江潮

效建除體

卷二

疏劄

擬疏

擬上封事

辭副修撰兼陳朱子封事中要義疏

圍城中劄

論江都三臣劄

避嫌

勅使時疏

辭修撰疏

再疏

辭修撰兼陳時務疏

辭持平疏

辭修撰疏

辭司諫疏

陳辭兼辭職疏

辭執事疏

辭司諫諱院兼官疏

擬請復設鄉約疏

天淵先生集卷三

啓辭

南溟翼照律巨避嫌啓

申救俞伯中事避嫌啓

再啓

請按律金自點啓

請安置尹昉金湜啓

再啓

請還收申景瑗放釋啓

申景瑗請罪事避嫌啓

請還竄沈諱啓

請還收張維罷黜啓

請革罷宮家箭盆啓

請罷黜金羅都事朴慶元啓

憲府罪囚事避嫌啓

書

與李參判景奭書

答吳進士添慶書

卷一
答俞察訪提書

答趙察訪平書

上沙溪金先生稟目十八條

應製錄 祭文 箋 教書 不允批答

章陵陵上失火慰安祭文

仁順王后神主改造慰安焚香祝文

宗廟九室慰安焚香祝文

肅寧殿王世子親祭祭文二首

金禧五子登科致祭祭文

卒監司鄭孝誠致祭祭文

卒寧社叨臣崔山輝致祭祭文

卒同知中樞府事朴蘭英致祭祭文

卒平安監司李碩達致祭祭文

中殿冊封謝恩 皇太子箋

方物箋

教江原道觀察使兼兵馬水軍節度使李漣
書

左議政缺缺再度呈辭不允批答

右議政沈悅呈辭不允批答

天默先生集卷四

祭文

玉果縣祈雨祭文

祭沙溪金先生文

祭丁晚軒文

祭李二相直亮文

祭朴秘巖以恒文

祭堂叔李同知聯文

雜著
說
題後記
銘頌
通文
勸諭文

名諸孫說

知天說

空中樓閣記月課

貫道之器銘并序月課

土堦頌

月課

丁卯胡變通論本道文

玉果縣勸論文

勸勉德業

禁抑過惡

鎖言九十一條

題韓非說後

月課

程文

冬至賦

忘者氣之即賦

策對

天默先生集卷五

附錄上

年譜

謚狀

吏曹回啓

吏曹再啓

禮曹回啓

上言 全羅道進士金鍾休等

賜祭文

英宗丙子

純祖丙子

今上丙子

致祭時禮部開

工言

全羅道儒生進士許茂等

七狂圖跋

行狀

墓碣銘

墓誌文

寥溪書院奉安祭文

釋菜祭文

天點集卷一

附錄下

輓詞

跋

天默先生遺稿目錄

天默先生遺稿卷一

詩

次韓栗翁靜居賞春論象數三韻

至人論易不論書義畫周經摠緒餘楊柳吟風心境
活梧桐翫月世緣踈乾藏月窟秋聲動坤闢天根春
意紓自笑侯芭憎大道玄經白首歎紛如

天地無心豈有書半生辛苦惜三餘青袍身世生涯
困白首霜臺事業踈深仰醉舞仙界近從知壽域歲
華紓一年花事誰評品投贈新詩錦不如

莊周化蝴蝶列子御冷風祇脫形骸累安知造化工

千名分一理萬化起心中幸賴金篦刮從茲護困蒙
沙溪先生挽

五賢遺緒孰推明牛粟真傳集大成考據禮經垂典
則精研心學到明誠治平係運民無祿出處隨時道
則亨慟哭終天恩未報更追函丈願他生

次朴丈

以恒書堂瀑布韻 二首

潼關之北洞天幽寂寂長川世外流樵童牧豎安能
會千載朴公來便尤

使山非靜谷非幽安用崩奔盡日流開渠送向人間
去好作農人急旱尤

八直春坊吟寄崔輝叔

蘊

人間萬事不如意，咄咄中宵倚小窓。
志士工夫期百世，男兒事業小偏邦。
浮雲改變天難朗，古柏高孤風易撞。
遙憶南鄉舊釣侶，月明蓬底宿秋江。

寄曹守而佐幕關東

萬二千峯碧海東，曾驅笙鶴御長風。
宸居誤讀黃庭字，浮世空成白首翁。
仙馭羨君遊淨界，胡塵愧我眯紺瞳。
憑傳數語安期伴，幾日金環降紫宮。

余少時有入紫微宮

謁天帝之
靈故及之

風詠亭次退溪先生詩韻

野服黃冠早退休，
芝眉豈曾上閑愁。
園中真趣猶三迳，
檻外仙山卽十洲。
誰識詠歸追揖讓，
空將詩酒慰淹留。
高人一去瑤琴斷，
臺下江空月萬秋。

送洪元老

命者

赴任安東

二首

禁城春暖瑞光浮，
儀鳳初辭十二樓。
雞舌幾隨天北去，
絳衣今向嶺南州。
名區形勝三韓最，
明府才華一代優。
游子十年慈母線，
臨歧不覺淚先流。

乞郡為便養也，
官寧有辭。觚稜還八望，
親舊惜解携。
東閣鳴琴後，
西山拄笏時。
天涯倘相憶，
時復寄新詩。

李掌令

誠源

挽

京洛擇交久真淳公獨存偏親終未養神理豈堪論
後事珠璣顓陳蹤月一痕從今懷舊淚不忍過西門

金副學 槃挽

一生義慕在樛摧病裡驚聞薤唱哀虞殲羽儀歸閭
圃鯉庭詩禮閉泉臺裂天餘痛摧蘭早蹈海初心駕
鶴迴薰沐世恩山未答白頭題挽淚盈腮

送金浩浩 灝佐幕關東

笙鶴磨訶洞琴歌鏡浦樓平生勞夢想今日送君遊

送朴學魯

日省

赴任咸平

秋風作別意何如滿目湖山落木初五馬名區偏得

意十年羈宦獨沾裾鳴琴竹閣閑鴉墨舞彩梅庭侍
板輿乘輿會尋方丈未巖花溪竹是吾廬

送李東野 垌赴任靈巖

月岳南天秀神山海上連侍臣無外補仙吏有前緣
橘柚千家月魚鹽萬井烟遙知過完府舞彩更踟躕

卧病京師夢歸南鄉舊居因寄林清臞載叔潭

此身曾是玉京仙謫下猶來方丈邊夢乘黃鶴南溟

去八萬神峯花接天

余少時夢入紫微宮謁天帝有
白面年少揖余坐上帝授余

天機書三卷余再拜而出茲因歸夢
聊述舊緣勿訝幻誕幸賜辱和焉

再和前韻奉寄清臞

二首

人謂非仙自謂仙主張風月政無邊問渠那得閒如
許祇保宵中一箇天

一年風景問詩仙爛熳鶯花何處邊
病客忽驚佳節晚春永欲典艷陽天

寄臞仙載叔

落盡山花溪水西故園芳草夢中萋無端一夜思歸
恨付著東風杜宇啼

趙察訪平挽

二首

志節堅貞孰似君襟懷踈巖亦起羣生涯流水何曾
著世事浮雲不欲聞滯病每嗟山海阻臨襄那忍死

生分魯連未遂逃秦志反向泉臺羨起墳

世路知音少逢場獨有君
舊遊雲樹阻凶報亂離聞
衰疾身如寄幽明路欲分
秋風憂國淚兼灑向孤墳

郭食知海挽

大庭身世葛天民
衰季誰知有古人
尊酒去年開勝
餞草堂今日掩佳辰
胡氛深矣慙舍垢
鶴馭飄然羨
離塵黃菊滿籬重九過
病中題挽獨沾巾

郭生溪挽

人生樂處在安真
浮世榮名草上塵
抱朴久欽傳再
世連枝忍見哭三春
時憂帶病空垂淚
死別逢秋更

神霜菊白殘佳節過一盃難毀九原人

幼新德甫在普賢寺讀易吟寄一絕

白雲紅樹共重重人在芙蓉第幾峯
夢乘黃鶴山頭去讀易聲中月一窓

高掌令傳川稅

世德忠貞青史傳家聲詩禮白眉賢
襟懷冲淡雲中鶴藻思清新水上蓮
烏府風悲千歲栢故山門掩九秋天
我洋人世今誰在回首南天哭仲宣

李經歷應魯挽

京洛年來取友多真淳更有似公麼
梅仙隱市窮猶

樂陶令安時困亦和跨竈得男知蔣玉乘龍擇婿看
騰梭都門何處親朋哭獨顧承明淚似河

宋定山致中大夫挽

三從媿德向來欽况與庭蘭分義深縷過對風殫血
泣忍聞薤露報凶音哀榮已了人間事期塋猶歎孝
子心鎖直承明孤執紼他年一吊化仙禽

直春坊夢崔輝叔因寄一絕

二首

我愛孤雲八夢頻海山千里共精神三生幾許修清
福更向頭流作主人

獨爇名香坐義經讀一周心齋知己久吟夜夢頭流

張僉知昇世 稅

名交三世豈偶然明發懷人淚徹泉八表康寧仍頂
玉六年榮養勝腰淺鄰孺德貽謀遠蘭蕙盈庭種
福全名宦已成身不在令人偏痛戊申年

赴 召時次郭文 瑤餞席韻

離筵方告別忽見畫中詩驛騎催歸路川原日暮時

吳龍澤 聯挽

老子掄文取近仁一啗眉宇得天真昇沉豈合論襄
世靜拙端宜比古人三壁鴻輝傳世業兩城慈澤泣
遺民題詞更灑燕新淚冥漠重泉亦愴神

金主簿復興改葬挽

風儀欽仰自孩提往事如今潯浹傾講席餘薰猶昨
日荒阡宿草已周星浮雲逝水人間事北斗南金身
後名堂構幸存恩孝子更從先壠卜佳城

出城後連夢
世子渡江流涕有感寄王堂諸

益
二首

國事傾危孰使令
儲君辛苦度王庭
迂儒白首無
窮淚耻向窓前讀聖經

連夜羈愁夢
鳴汀伶仃
鶴駕向龍庭
三更起坐流
殘淚明滅殘燈照古經

亂後

思量時事滄沾衣大計如今識者稀
死從臣餘白髮瀋陽歸夢獨依依

杞平君大人俞大逸挽

二首

邇來人事摠堪傷驚却春樽告計忙
大老即今皆厭世小車何處更尋芳
胡塵病骨支離苦仙路雲鄉縹渺長
誰念老萊終黷性公私揮涕寫哀章

相門餘德世難傳不忝家聲是六賢
晚歲腰金垂白社早年跨竈託青氊
胡塵豈願龜齡享雲馭還歸玉府過
花柳滿城佳節過一盃難喚九原仙

權生允中挽

擺落榮名混在塵
邱園甘作一閒民
村醪到手寧論
濁野藪登盤不
忍貪慚我臨危
猶惜死羨君無
病反歸真
草堂風雨重陽
過獨對黃花淚
滿巾

張長城賸稅二首

百歲文期此日休
欲論陳迹渟雙
流逢場誰似君
青眼浮世惟餘
我白頭鶴髮猶
望五馬覲丹旌
却返九原幽
江南一自亡
嵇阮故國風烟
摠是愁

時危兼抱疾死
別又逢秋世事
難期日浮名不
及漚寒齋佳節
近殮觀客程脩
此日都門哭安
知逝者休

崔察訪徽之內挽

婉德閨房秀，移天落異鄉。幾嗟兄弟分，遠終悼子孫。
積善天難必，修仁壽不長。三喪竟埋玉，竹路亦沾裳。
戚弟丁璠挽

古來人時憾，賢後竟陵遲。天道貫幽現，世情拘盛衰。
雲烟朝暮變，星斗古今垂。此語驚聾耳，竊期知者知。
辭官南歸訪張孔明不遇

故鄉歸路入秋山，駐馬溪堂半日閑。門掩白雲人寂
寂，獨憐籬菊對霜斑。

權居昌憤內挽

女士膺餘慶性資淑且真移天家訓肅主饋壺儀新
浮世無三紀空阡又一春屋成人已去鰥淚自沾巾

次沈處士玩五宜軒詩韻

沈公以花草自娛取
古語松宜於靈竹宜

於風梅宜於月菊宜於
霜詩宜於酒名其軒

蕭灑主人室胡為名五宜貞心撐雪韃勁節闢風枝
冷蘂迎霜嫩清香帶月奇篇詩興斗酒病恹歎吾衰
宿洛東江店

三春行李滯長程回首邕山却有情暮入漁村因假
寐洛江新月夢中明

次林府伯陳詩韻二首

久病謝塵事溪山轉清幽未留軒蓋賞花柳却生愁
前對仙山千疊岫後臨花柳萬重家此時卧想潏頭
樂芳草晴川一望賒

題朴以恒書堂

老境深盟付白鷗暫開茅舍對芳洲湖山日暖梅初
動江谷春迴地自幽南園王孫今日過濟都公子昔
年遊若為留待花時暮桃浪千層泛小舟

送張幼剝赴任長城

遠客惜解勢清秋到漢津數聲北歸鴈孤舟南渡人
淒風起蘋末離恨滿江濱送君五馬行千里倍思親

那堪拚空館寂寞送佳辰

早春月課

天時人事向來新
冉冉春華屬上春
歌玉乍呈梅藥
圻淺黃縷看柳條
白雲霜消後
仁風扇牙甲
掀來勢
戶伸
禁苑恩光催淑氣
御溝流水綠潾潾

效康節首尾吟

四首月課

幽人非是愛吟詩
詩是幽人悟性時
身上乾坤初廣
運心中日月本昭垂
開他桎梏由深造
滌却塵埃在
不欺始覺誠明達
天德幽人非是愛吟詩

幽人非是愛吟詩
詩是幽人見道時
誰說陰陽分太

拯纓明坤復認身機流行費隱初無間貫徹精粗豈
異岐始識直方通大本幽人非是愛吟詩

幽人非是愛吟詩詩是幽人歎世時不物三皇心迹
在無私五帝典章垂離虫本領加襟塞試士經綸轉
背馳整頓乾坤惟一字幽人非是愛吟詩

幽人非是愛吟詩詩是幽人感物時
蟻風處禪貪而食
鼃蛙坐井怪天池
寒江秋月誰能會
寶匣瑤琴謾自奇
變化昏蒙無別語
幽人非是愛吟詩

憂國願年豐

月課

遭逢昭代聖恩深
輔國慚非早作霖
但識時豐為

上瑞誰知天聽自民心穰穰豈特禳田願
鼎鼎要著擊壤吟為向康衢歌此曲想應
沉八五絃琴

淵明採菊

月課

東籬霜菊萬株明
盡是春來手種成
露浥衣裳穿小
徑香生瓜甲掇
繁英山翁政欲
浮新醞稚子還
須洗破觥興罷
不歸拄杖立南
山暮色入詩情

宋玉悲秋

日課

巫山巫峽水迴流
玉露初飛歲已秋
萬木歸根皆瑟瑟
羣虫閉戶競啾啾
本來無事何閑意
每到逢辰還自愁
目極江南人已去
楚鄉餘恨至今留

雲從龍

月課

神物池中躍，須臾據大空。
蒼雲四方集，甘露八荒同。
誰識山川氣，能成造化功。
人而不如物，深望滿朝龍。

浙江潮

月課

忠臣死在不平潮，鬱結千秋怨未消。
毅魄英靈隨白馬，雪山銀柱立青霄。
三軍組練連吳粵，萬鼓轟闐自暮朝。
一句缺

效建除體

月課

建卯月初圓，除却春一半。
滿樹寒花開，平川已永泮。
定知才不逮，執鞭安用求。
破愁酒無力，危鬢已秋。

成毀莫問天收身當在早開卷閱書史閉門宜却掃

天默先生遺稿卷一

天默先生遺稿卷二

疏劄

擬疏

丙辰此是本集之末
載而後推堂后日記

伏以螻蟻微臣稟性暗愚識見孤陋而微末泮下之
儒生何敢客喙於朝議僭越之罪宜合萬死而一
縲微命生息於列聖教化之中粗知三綱五常之
爲大夫子悌之道窮天地正萬古不易之大義也
自天子運庶人不可一日不省之道故君而無此則
不爲國民而無此則家不爲家覆載之間爲人之道
莫大於孝矣近伏聞朝廷之上競張大議欲舉極

大極重難處難行之事伏想此議必出於除人譏姦
之舌然在 殿下仁孝之性王章至嚴不可一時容
貸於天日之下矣 慈聖殿幽閒靜貞之德設有愆
於配天休命之顯光 殿下盡孝之道不宜不該於
晨夕定省之間而況 聖母之德克孚黃裳元言之
象乎人君之日行萬善國脉之無疆萬歲皆莫由於
誠孝故詩曰孝子不匱永錫爾類 殿下以天縱之
資明睿之性留神積察焉人心即天心天心即人心
順天理悅人情實為人君享國之福矣頃年喬相之
事想亦出於佞臣之凶謀在 殿下愛友之情豈忍

行此不忍爲之舉乎年幼王子有何逆天之罪而傷此
湛和之情哉天理人情固不可如是矣昔者大舜之德
格廣於烝乂且湛於鸞陶伏願 殿下體舜之德化一
國於大舜之域則 臣亦爲大舜之氓矣君民克舜不亦
美乎草芥微賤言不知裁但懷愛君憂國之誠鼓陳瞽
說於 君父至尊至嚴之地王章之下雖至萬戮固所
甘心矣無任激切屏營之至謹冒昧以聞

擬上封事

戊辰

伏以漢文之時天下太平而賈誼猶有痛哭流涕之
疏誠以志士憂治世而危明主也方今 聖明在上

羣賢滿朝而治道日卑國勢日危天變極於上民怨
騰於下外而強寇憑凌內而朝論勢貳曩倫敦敗逆
變連年饑饉荐臻流殍載路有如重病之人元氣大
傷百體受害氣息奄奄命盡之日使賈誼生於此時
則豈徒痛哭流涕而已哉臣伏觀殿下以英明之
資遭昏亂之時天與人歸爰除奸兇扶倫紀於數絕
救生靈於塗炭勵精圖治六年于茲宜乎治化大成
日躋隆平功光祖宗業垂後裔而百揆悠泛庶事
叢脞內無以立政外無以制敵憂危之勢至於此極
者豈不以出治之大本有所未立救時之急務有所

未舉哉臣伏念 殿下遭陽九之會承大亂之後雖
曰守成為治實與創業無異而回已去之天命者
殿下責也收已離之人心者 殿下事也宜祈天
命誠小民之大舉措不可以徒守文法牽補架漏亦
不可苟任私智穿鑿布置也臣困蒙也無他竒才可
識時務而惟於幽棲中窮帝王之典謨研聖賢之經
傳粗有會於心上而猶未得其要領及觀朱子上孝
宗封事言天下之大本與今日之急務然後始知帝
王出治之本聖賢經世之術皆不出於此範圍也臣
謹因先師之旨而演以先天之說為 殿下——條

陳馬所謂天下之大本者有一焉易曰易有太極是
生兩儀兩儀生四象四象生八卦八卦定吉凶邵子
釋之曰心為太極道為太極萬物各具太極夫太極
者天地人之本而萬彙之根柢也無聲無臭一理而
已太極動而生陽靜而生陰則天地開闢而兩儀立
焉兩儀既闢之後受氣於天鍾形於地而人乃生焉
則三才已具而北辰者天之太極也崑崙者地之太
極也心者人之太極也北辰居所而星辰不紊崑崙
為本而山川有序人心不動而萬事可理故易以寂
然不動為心之體感而遂通為心之用體立而後用

有以行則為學工夫必至於不動心然後心極始立
萬化乃生剛大之體充塞宇宙明睿之鑑照察纖毫
可以彌綸天地之道可以經綸天下之業而周子耶
言聖人主靜立人極者此之謂也至於生兩儀則陽
明陰暗陽剛陰柔陽正陰邪陽公陰私公而正者義
理也私而邪者私欲也明而剛者義理也暗而柔者
私欲也周子所謂誠無為幾善惡者此也而陽之中
亦有陰陽陰之中亦有陰陽所以周子亦有剛善剛
惡柔善柔惡之別此天理人欲之所以分派君子小
人之所以殊塗也至於生四象則小陽為木為仁太

陽為火為體少陰為金為義太陰為水為智而中央
之土與信實為基本語其氣則為五行語其理則為
五常周子所謂愛曰仁宜曰義理曰禮通曰智守曰
信者此也而為性之綱心之德天理發現酬應萬事
者也至於八卦之用則伏羲以乾坤置前後者天地
定位於南北而天不足西北地不滿東南也以坎離
列左右者日月出八於東西而主天地造化之功也
蓋乾坤生六子乾求於坤而得坤之心畫者離也則
陽中含陰而為日坤求於乾而得乾之心畫者坎也
則陰中含陽而為月坎為者得天地中和之氣而為

天地之用四時行百物生皆坎離之所為也故古人以乾坤為大父母坎離為小父母乾坤之體本自廣大日月之體本自高明則受天地之理氣而為人者其心體亦自廣大高明聖人之所謂明德明命而中庸亦以此論德性之體也又以圖書之數言之則五數中點實為太極之象不偏不倚至中至正由此而分陰陽由此而分四象由此而分八卦四方之數皆從而生則亦為人心之體而寂然不動萬化一本也四方之位既定五行之數既成則虛中不用者亦象人心之用而虛明無我變通不滯也邵子所謂天向

一中分造化人從心上起經綸者此之謂也氣以成
形理亦在中理者形而上也道氣者形而下之器理
無善惡而氣有清濁故氣清則理勝而明且剛氣濁
則慾勝而昏且柔中才以下既為氣稟所拘必欲所
蔽則廣大者日就偏小高明者日究汚下苟非生知
之資必加澄治之功此所以克舜亦有人心道心之
辨而孔門有克己復禮之訓也惟精惟一克舜之耶
以為聖而惟精屬智惟一屬行大學之所謂致知誠
意也中庸之所謂明善誠身也四勿三省顏曾之耶
以學聖而制於外所以養其中中庸之所謂必慎其

獨也大學之所謂欲誠其意也夫天理人欲之消長
與陰陽消長無異天理一分長則人欲一分消人欲
一分長則天理一分消此學者所以謹於危微之際
存於內省察於外無一息之或怠無一事之敢忽
也蓋聖人千言萬語只是欲人遏欲存理而立心之
體明理應事而達心之用故乾卦言聖人之學而只
言閑邪存誠坤卦論賢人之學而只言直內方外閑
邪則誠自存內直則外自方制人心而道心義用克
己私而天理自復其功效亦無二致也孟子曰克舜
性之湯武反之上智之外皆由學變化故聖人立學

者工程八歲入小學下學人事十五八大學窮理明
性心務上達所謂忘于學也三十而立則深透義理
已有定見所謂知止而後定也至於四十而不動不
意則私欲淨盡德性堅定萬理昭晰無所疑惑心之
太極已立聖人體段已具所謂定而後靜靜而後安
也不動之久則誠立明通神化無方所謂安而後慮
慮而後得也因此而知命因此而耳順則明通之驗
仁熟之效別無大段工夫也故子思子曰自誠明謂
之聖自明誠謂之教誠則明矣明則誠矣又曰致廣
大而盡精微極高明而道中庸所以致廣大極高明

者尊德性之效也所以盡精微道中庸者道問學之功也至於老佛雖曰異端亦必擺脫私欲然後深造其道故釋之定性道之丹基皆以不動心為本高明廣大則或似有之而專無問學之功故鶩於虛遠而不合乎中庸極於龐大而未透乎精微所以有體無用而不能措諸事業程子所謂界之一錢則亂者此也吾儒也學體用兼備而精粗無間本末一致故下可以盡人事上可以盡天理達諸天地而不悖質諸鬼神而無疑易曰大人者與天地合其德與日月合其明與四時合其序與鬼神合其吉凶先天而天不

遠後天而奉天時夫無私天德也至誠天道也人能
立誠則無私無私則與天為一一理無間一氣流通
而天地之廣大即吾心之廣大也日月之高明即吾
心之高明也四時之舒慘即吾心之舒慘也鬼神之
吉凶即吾心也吉凶也吾與四者亦一而已天不能
我違我亦體天無違先儒謂楊震無學謂之四知其
實一箇知者是也自天地生聖人而言則天地為體
聖人為用自聖人位天地育萬物而言則天地反為
用聖人反為體大哉聖人之功用也此則大學止至
善之效中庸致中和之功而二帝之野以執中鑄唐

虞之治也三王之所以達極做三代之治也其實則
致中與執中一也至善與皇極一也而不偏不倚之
謂中盡善盡美之謂極則中與極亦二而一者孔子
野謂吾道一以貫之者也程子謂有天德便可語王
道釋之者以格致誠正修為天德以治齊平為王道
上古帝王之治道灼有成法其綱領條目甚分明也
邵子謂皇降而帝帝降而王王降而霸降霸則夷狄
非帝不及皇王不及帝但時有升降如一年元氣漸
有降下三皇如春五帝如夏三王如秋五伯如冬三
皇以仁五帝以禮三王以義五伯以智四時一氣也

西德一理也則皇帝王伯也治亦一也而但五伯假之故功烈如彼其卑也後世為治者天德不足則欲行王道繞及於伯欲行伯道則伯猶不及夷狄而已惜乎帝王傳心之學銷鑠於戰國功利滅絕於狂秦灰燼故三代下受命者未知治道之綱領猶幸張良以老易佐漢故蓋公之徒傳述而清淨之教僅做後元之治魏徵以中說佐唐故德業之言不行而仁義之說猶做貞觀之治宋祖以至公御天下故天啓文治儒術興行慶曆元祐之間君子滿朝然此數君者皆未聞王道僅假王道之一端以致富庶而已宋臣

李沆謂讀聖賢書者節用愛人四字猶未能行聖人之言旨哉言乎漢文僅行節用二字露臺惜費可見也宋仁僅行愛人二字漱水避蟻可見也唐宗之心亦在節用愛人之間據史可見者多矣數君猶能終始是心持之以誠故或致紅腐貫朽或見斗米三錢或使窮谷如喪考妣心化薰蒸見效如此況純行王政而久於其道者乎此三代之所以長治久安而後世莫及者也王道如精金美玉無不周密無不完備行一分則有一分之効行二分則有二分之效假之者少康不假者亂亡謂之透濶而不可行於今者非

知王道者也今我 殿下以天祿之資加日躋之功
了悟於聖衷辨問於經席者至矣盡矣愚臣一得有
何所補然而成湯儉身若不及文王望道如未見者
誠以一善不備不能以成德也 殿下反正以來罔
遊于逸罔滛于樂不遁聲色不殖貨利裁省浮費革
罷正供此 殿下克勤克儉之德也即位之初大臣
不起欲幸其第是三王師臣之義館學之士聞之有
流涕者宅憂之日執喪踰節嬴毀著色遠方之人聞
之有感泣者此 殿下形著動變之効也然而先王
以天下立百世之事業 殿下以偏邦不能立一時

之事業者豈不以大本未立達道未行剛大之體不
能不動於利害明睿之燭不能不眩於是非歟充可
憾者堯舜之聖舍己從人不任己耳而以天下之耳
為耳故其聰無時不聞不任己目而以天下之目為
目故其明無所不見所謂明四目達四聰也不任親
近而以天下之才任天下之事故俊乂各盡其能所
謂闢四門也堯舜以天下治天下故巍巍蕩蕩與天
同德垂衣拱手而四方風動後世庸主以一己治天
下故或衛石程書或衛士傳餐而徒勞無效終亦亂
亡而已 殿下即位之初容受盡言四方翕然數年

以後稍有逆耳之漸喉舌大臣耳目臺官一言違拂輒加詆斥或累年不調或遠補外任稍稱骨鯁者不安於朝廷皆以進退為憂而況踈遠之臣豈敢有盡言者乎此孟子之野謂千里拒人孔子之所謂一言喪邦也士夫之品大槩有三志於道德者不屑功名志於功名者不屑富貴志於富貴而已則孔子之野謂鄙夫也 殿下不用其言而欲用其人則是以鄙夫待之也功名之士不肯為 殿下用况道德之士乎終至於正直踈退闖茸混進譏諂面諛無恥不至此前言危亡之覆轍也孟子曰人不足與適也政不

足與間也惟大人為能格君心之非如臣懜學何敢
妄擬於格非之大人而敬君之道莫大於非克舜不
陳則些少政治之得失臣亦不欲觀縷也 殿下如
欲痛革前過以新今日之治則莫如先立心體先明
心源使之本立而道生臣之前所陳精一執中克復
為仁者是也而其用功之要則亦不過曰誠與敬而
已誠為立心之本敬為勝私之方故周子以誠為聖
人之本程子以敬為聖學之終始此二者實為八道
之階梯也先儒論誠者固多而周子則曰無欲之謂
誠程子曰無妄之謂誠欲與妄一也而妄字兼人事

說程子之言尤為精密先儒論敬亦多而其曰主一無適者主內而言也其曰整齊嚴肅者主外而言也內外交修之功不可偏廢也其實則誠與敬相資未有無誠之敬亦未有無敬之誠誠則無不敬敬則自至於誠誠之本體則亦一而已一者無私慾而有實理也謂周子論學聖以一為要者是也其功夫之循序漸進則亦與陽長無異陽之初生自復而始日長一分月長一晝至四月而六陽俱成以成一年之造化為學工夫亦持久以成一日克己無一毫私意則一日不違仁也一月克己無一毫私意則一月不

達仁也推而至於三月不違則顏子野以幾於聖人也先儒謂自堯舜以及周孔其相傳之六法至孔子授顏子則聖人也蓋無復遺餘蓋合乎義理之正而無過不及者也純乎義理之正而不雜之以私欲者仁也中與仁亦名異而實同殿下誠能從事於此以誠為本以敬為用精以察之一以守之戒懼於不覩不聞之中致察於應事接物之際使私意無所容而心德有邪全則心通而識高識高而量長殿下之量即天地之廣大也殿下之識即日月之高明也事之利害機之成敗政之得失人之邪正并井

堂堂燎然心目知之者旁燭無疆行之者雷厲風飛
可以會千聖之心傳而立萬世之事業也頃日

經

席野講厯閏之說銅儀之制只是聖人法象天地之
事而苟不本於一心之欽明則文具而已至於律呂
亦先王調四時和人心之遺法而苟不本於一心之
中紀則亦器數而已學者功夫猶為餘事况帝王之
學乎臣之所陳則窮神知化可大可久之者也對越天
地希賁化育者也實為古昔聖王明心出治之本而
散在經傳辭簡義奧臣竊恐萬機之間領會未易故
不揆愚僭敢此敷進庶幾有補於立本之萬一而至

於救時之急務惟將舉此而措之耳伏願 聖明勿
以人廢言清無也暇或 賜留覽則他山之石不無
攻玉之助也

辭副修撰兼陳朱子封事中要義疏丙子

伏以螻蟻微臣猥蒙 天寵忝叨匪據非一非再而
徒積尸素之譏以無消埃之報上負師門下負所學
臣清時一罪人也濫陳危迫之懇得養垂死之親

聖恩洪大天地罔極而臣牽職無狀意外得謗杜門
省愆暴白無路緇遭大故宿疾沉綿僅保頑命無意
世用自分踈野之孤蹤只合邱園之踈伏今者又蒙

榮寵至以臣猥充論思之地兢惶殫越措躬無地臣
去七月終制病勢侵深長在床席國恆之後未卽
奔赴連有職名退縮未安興疾登塗再入脩門天
顏咫尺感淚自零思命旣謝萬死無憾也輔導聖
德必得師儒以備顧問前賢之所推讓先正之所固
辭臣才性懵暗學識空疎語言昏鈍亦不如人尋常
職事尚懼隕墜况忝冒此地豈非羞當世之士而辱
朝廷之人乎且臣也證勢非等閑之比自在苦塊寒
熱不調四肢痿冷煩惱上攻少有勞動卽至昏憤元
氣已散針藥無効不可以旬月易期差復加以遠道

驅馳炎瘡瀆爛 近密之地不合趨蹌乞遶臣職以
安愚分投閒調養得全性命則上有再生之恩下免
妨賢也誚矣臣又竊伏惟念臣之誤恩前後稠疊既
不能陳力就列又無一言而去則孤 恩負國之罪
至此尤大無所容於天地之間故竊敢剗肝瀝血以
效一得冀以螢爝之微仰補日月之光伏願 聖明
留神焉當今國事十分艱危內而朝議乖離外而兵
政虛踈強敵鳩張日甚一日十年之內再犯 大都
天地之大變古今之所罕有也本根受病枝葉先悴
當此之時雖使良平運籌亦無全策如臣疎迂豈識

時務但以得於古人者爲 聖明獻焉宋臣朱熹以

三代下命世之才當金虜亂華之日感孝宗不世之

遇推明六經之精蘊揣量天下之事機合爲一疏言

約意盡戊申封事是已澄本出治之源內修外攘之

策皆在其中豈徒爲當時對病之神劑實萬世人主

治國之龜鑑也惜乎孝宗力量未洪識見不逮好之

而未能真知知之而末能力行經世大法視爲尋常

竟使中原未復二帝未回千載之下識者嗟恨本疏

首以大本次及急務六條句句藥石炳如日星固不

容臣之贅談臣但就大本中推演朱子未盡之餘意

又就急務中以得人為行六條之斷案焉。所謂大本
在一人之心。夫心者受天地廣大高明之體而為一
身之太極。萬化之原。萬事之本也。太極者何一理而
已。一故不動。二則已動矣。易大傳曰：無思也，無為也，
寂然不動，感而遂通天下之故。先儒釋之曰：寂然不
動者，心之體感而遂通者，心之用。人莫不有是心而
私欲交亂，不能主一故，失其太極之本體。聖人則私
欲淨盡，一理為主，故靜亦靜，動亦靜，而誠立，明通太
極圖說所謂聖人定之以中正仁義而主靜者是也。
三才各有太極，此極者天也，太極也，崑崙者地之太

極也心者人之太極也北極居所而星辰不亂崑崙
為主而山川有序人心不動而萬事可理三才未分
之前其初一太極也此極一動則天不天地不地而
人亦不能為人大本既失達道何由而行乎精一執
中堯舜之所以立此本也達中達極三王之所以立
此本也孔孟之取以不動不惑亦所以立此本而曾
思之格致誠正戒謹恐懼皆立此本之功程也此本
既立則明誠兩至智仁兼盡與天地合其德與日月
合其明神光燭九垓玄思徹萬微辨人之邪正斷事
之是非明鑑中妍媸權衡下輕重耳 聖德生知不

假學問而存省之功不可一刻而廢周子曰誠者聖
人之本程子曰一者誠也謂主一者敬之謂欲至於
誠必先持敬無安蟻獲而益加存省幽獨得肆而益
切戒憚主敬之功久而不懈則私欲退聽至道自凝
一疵不存萬理明盡此所謂閑邪誠自存克己禮自
復大本由是而立達道由是而行至明足以真知至
剛足以實踐矣所謂急務雖有六條推而行之皆在
得人苟不得人周官法度皆是虛文得人之要只在
辨君子小人而已 殿下亦見十九代史矣曾有君
子而佞媚小人而直截者乎傳曰舉直措諸枉能使

枉者直先儒曰天生一代人才亦足以了一世事

反正之後聖作物觀大小人才皆聚朝廷逆耳者進
之順旨者退之隨才器使翕受敷施則今日朝廷不
患無人才也今之盡言不諱也臣皆是他日貞亮均
國之人而近年以來或被竄逐或見疎斥稍有直名
不容於朝人情拂鬱朝野失望矣何幸 殿下一轉

移而回日月之光霈雷雨之澤竄逐者招還疎斥者

登庸人情鼓舞朝野相慶以此益見人心之易感德

政之易行也終始此心至公收用則民心悅而天意

可得君子伸而羣策畢舉矣抑有說焉得人匪難用

言尤難亂亡之朝何嘗無君子而佞言易售直說不行終至於君子退而公論亡古人所謂公論在朝廷則治在草野則亂者此也今日之公論野在耳目野寄只在臺諫而臺諫之言亦有不行至於累月相爭或至停罷言路之不廣莫甚於此時耳目之言不行則草野之言不至此豈非千里拒人一言喪邦者乎伊尹告太甲曰有言逆于汝心必求諸道有言遜于汝志必求諸非道此人君聽言之道而太甲中才之主故伊尹告之以此也至於堯舜生知之聖聰明睿智超出百王而至公無我不自爲聖以天下之耳爲

耳以天下之目爲目以天下之才任天下之事所以
垂衣拱手而天下治也秦皇隋文欲以一人私智總
斷萬機衡石程書衛士傳餐所以徒勞無效終於亂
亡公私也效判然如是矣至於近日密啓之事臣在
遐外未詳顛末竊聞其略臣實痛焉記曰四郊多壘
大夫之羞爲臣子者上之不能運籌帷幄決勝千里
係單于之頸明國家之義次之不能執戈前驅殲首
軍前効橫草之勞敵君父之憤獨使至尊深憂社
稷他無善策出此不得已之計豈非臣子之所當痛
哭流涕者乎然綱常大義棟樑宇宙柱石生民一日

廢則中國夷狄人類禽獸魯仲連在圍城中倡大義
却暴秦使天下有生氣胡銓日月之疏雖未得伸於
當時宋祚之百年扶持亦由此疏言事之臣雖或措
語過激亦當優容推獎以扶大義不可斥絕推沮使
正氣掃地也臣九死之餘精神昏耗辭不達意言不
成物不足以感動天聰請於清燕之暇進覽
朱子本疏深究體行則雖與大賢隔世而如朝暮遇
也也先立大本以澄出治之源次容公論以恢得人
之路則朝廷之上豈無可用之才礎巖之下必有彈
冠而起者專任責成勿戴勿疑人存政舉庶績咸熙

憲務六條措置中常事耳此非臣之言乃先儒之說
非先儒之說乃隆古明良典謨之言伏願 聖明特
賜採納使孝宗之未行者得行於今日以為撥亂興
衰之資則宗社幸甚生民幸甚

批曰省疏具悉深用嘉賞疏辭無非格言至論敢不
體念而自勉哉

園城中劄

丙子

疏多留中不下本
草亦失於亂中

伏以主辱臣死入臣大義玩師逗遛王法必誅而
君父被圍多日孤城十分危急內而武臣旣無出戰
死綏之心外而邊將又無竭誠赴難之志是內臣背

君父也藩臣叛 殿下也况元帥持一國重兵縱
賊入國擁兵坐視了無入援之期是則元帥以賊虜
遣 君父也通天之罪尚忍言哉當今國事之至此
始於主和羈縻之計終於內外諸臣皆棄 君父綱
常泯絕之禍一至此哉此賊以孤軍深入未滿數千
而賺以講和留時引日橫行勦掠縱恣無忌者必恃
後軍之至也襲擊群圍一時為慮而大小將領一不
出戰時或殺獲者不過自募軍若干人而已平時受
厚恩享重祿也臣反不如軍伍下賤豈不痛心哉臣
聞自外入來軍官僧人之言則邊帥等或到近地逗

遯不進欲待諸道兵會蓋以怯懦之心不知賊之多寡勢之難易爲此觀望之計如此則大事去矣臣之愚計以爲多募可信之人縋城夜出曉以賊勢孤弱王師可勝之形亟令克期進師分屯四面要險處多張旗幟晝則放炮相響夜則舉火相應各出精銳設機剿擊或內外合勢或縱兵鏖戰倖之立功自效則此賊不滅則遁矣不然而欲以解弛之軍律坐待怯懦之諸將玩愒時日聽其自至則偷生之心勝殉國之志懈徘徊中路觸處潰散孤城燃眉之危終無可救之路而彼之大援先至則肩國之臣雖斬萬段無

補按 宗社之危亡矣臣無任澌切痛哭之至謹昧
死以 聞

論江都三臣劄丁丑

伏以刑賞者所以懲勸人臣維持國綱之具也刑賞
失其中則雖在平時尚無以為國當此板蕩危急之
日豈合徇私而廢法乎軍律至重國典甚嚴古之人
父子兄弟尚不饒貸況人君執天之道行天之健乎
傳曰殺貴大賞貴小先王用法之意蓋以誅一人而
千萬人竦懼賞一人而千萬人鼓舞也即今金慶徵
塗之子也張紳維之弟也李鉉求聖求之身也以此

之故而雖欲寬貸其於廟社之震怒何其於巨民
之憤惡何噫敵兵數十以小艤渡江而不發一矢先
自逃遁使水陸軍兵一時潰散二百年廟社一朝
淪沒至於嬪宮王子俱陷於兵塵男婦老幼盡入
於屠戮則公私畜積之蕩盡不足言也死而冤鬼生
而孤獨惡徹穹蒼恨結厚地甚矣慶徵紳則其老母
置也鋒刃上而曾不顧念敏朮則逃生最先謀出妻
子是可忍也孰不可忍也此三人者廟社之罪人
臣民之仇讐論以國法軍律叅以人情天理萬無可
生之道殿下倘或曲貸則廟社之靈不歆臣民

之憤愈激非但威柄一失百度皆廢而已雖使其父
兄處之當據義自絕不可庇護而今觀兩司啓辭則
必擇歆後語外為塞責內實營救至於大司憲韓汝
潏大司諫金壽賢則畏怵禍福附會權勢一邊與同
僚論罪一邊通信於獄中凡在瞻聆莫不駭憤其為
情態言之醜也國事罔極到此地頭而徇私肩國愈
往愈甚大小臣僚無一人直言不諱者豈非痛哭之
甚者乎請金慶徵張紳李敏求按律定罪上以慰
廟社之靈下以荅臣民之憤大司憲韓汝潏大司諫
金壽賢亟命遞差取進止

避嫌

臣等俱以迷昧無狀忝居近密緣毫無補遭此板蕩
豈為身謀江都三臣之事罪關宗社憤極臣民而
大小臣僚莫敢斥言自上洞燭亦不加法臣等愚
衷野激不忍含嘿陳劄妄論言不知裁至於兩司長
官欲發停啓之論顯有營救之跡物情駭憤國言
藉藉職在近引不敢不達矣今觀下政院之教至
為嚴峻惶懼失圖措身無地以臣等妄決不可仍冒
重地請亟命鑄削臣等職

勅使時密疏

丁丑

伏以無狀小臣，奉竊匪據，出八三司，非一非再，而學
識空疎，聞見孤陋，既不能裨補，聖德又不能糾察，
邪逐隊，隨行深愧古人。況今大亂之餘，仍之以饑
饉，國儲蕩矣，民力竭矣，勅使之行，連歲荐至，往來不
時，微索無藝，始之如此，終可知矣。當此之時，刪去繁
文，一以誠信，十分簡省，猶不敢支上年失策凡百經
費，全用舊規，而抑有甚焉。日後巨弊，何以能防？臣聞
我朝膳錄出於太平盛時代，有權奸傳會，增益已卯
乙巳，至於廢朝，憑公營私，任意收歛，利非十百不能
已也。一事筆者，不問煩費，而國不亡者，時平歲泰，他

無外虞故也八路徵歛之數倍蓰應凡衆所共知而
以為膳錄所載後來舊典略不加減其來久矣冉登
胡良輔漢堅無厭而以此待之不為少姜王兩使秋
毫不犯而以此待之不為多兩使去後民皆望其以
此留待後使而販曹奏其盡用由此觀之則可知膳
錄太半為中間花消之浮費也我國所謂膳錄者什
件如是不獨待使一事而已朝議所爭者只是士論
微細而至於國脉所關民命所係者則全不致意
不念民窮財盡國隨以傾豈不寒心哉臣聞嚴朝以
此膳錄待也敕使極其奢華油清收合之數至於四

十餘石而引接宴時之御前排果皆是假清法油所煎都監支供之物收合一國而反不如坡州一邑路站之豐備以此可知謄錄皆為繁文而蠹國病民之蟲賊也至於山臺雖不可廢何必至於作奇技淫巧以入無窮之財力哉其細布以價論之則所入浩大而易以麤布本色不八也簑衣一領其價二同種種他弊推此可知飲食帳褥器具禮幣類務勝華靡京外皆同又用防納則其價十倍皆出於浚民膏血雖在平時所當釐革以紓民力况此公私蕩殘之後哉且彼之草創新國本不知繁文皇帝威儀只是黃傘

一柄而已則使价之行豈至譏責浮文哉倘使清國
而知繁文則亦不至強使如是矣徵索之物應副之
外亦難種種稱意何必誇示浮文以招難繼之弊哉
蕩敗之餘雖遭詰責對之有辭必見容恕而有司不
案一用太平規例細細浮文無不鋪張教獠升木不
留餘地竭民傾國更不顧後綺羅錦繡本非土產而
許多譯貨皆以為衾褥至於飲食之費生鵝一隻騰
價六十疋生鰓一尾折木五六疋此則出於本廳之
利其防納而至於不準尺度則不受其廢安得不至
此乎不緊不食之物騰踊如此况徵求煩重不一而

是國何以應之民何以堪之此非清國之政苟實由
自謀之不臧也臣謹按高麗史自事金元後搶掠之
慘雖不如前而不堪使价徵求之弊遂至於此蓋其
接待之禮初甚簡略歲增月益漸至涓天各項侵虐
無所不至如江瑤珠有體人參等物皆入卜定終至
世民有三結者不得成昏版部之長調度無策削髮
入山者有二民結已困不能出賊至今士大夫各出
細布一品五十丁二品四十丁隨品以殺朝士之不
能辦者皆率妻子登松嶽山此麗朝之取以亡也前
鑑不遠勢所必至而開端如是豈不痛心哉傳曰任

法於涼其弊猶貪任法於邪末流何防今日之謂也
帝王之治雖各多端而其要則皆以恭儉愛民為先
務舍此言治皆苟而已子曰道千乘之國節用而愛
人宋臣李沆常曰節用愛人四字猶不能行聖人之
言終身誦之可也如李沆者可謂知言矣三代下帝
王能治化者莫如漢文帝唐太宗宋仁宗而文帝一
生受用惟節用二字仁宗一生受用惟愛人二字太
宗在節用愛人之間而誠猶未至也富有四海惜一
臺之費貯幸慎夫人衣不曳地此文帝節用之誠而
紅腐貫朽之效卓冠千古恭儉豈可以聲音笑貌為

哉不食燒羊漱水避蟻此仁宗愛物之誠而愛物如此愛人可知升遐之日深山窮谷皆奔走痛哭如喪之至痛帝堯之後一耳二宗當豐亨豫大之時不傷財不害民至誠孚物其效如此況 殿下遭此板蕩之際固宜大布大帛而以圖中恢者乎 殿下自宮中雖或減省貢膳非惡自居而各司各官之煩費猶存臣竇痛之况今接待教使不務誠信專尚虛文弊端一開後不可救興亡所關其幾如此豈非有識之可痛哭者乎 臣未經供億之任各項浮費蕩竭民力者未能悉知只舉新聞略陳梗槩彼之侵責者雖不

可防而深患日後之弊未知稅駕之期至於不緊不
求者則於彼如九戎也鬻牛鼻之香有之不爲喜無
之不爲怒何必竭盡公私以啓無窮之患哉伏願
聖明惟懷永圖勿許姑息懲廢朝之覆轍法三帝之
儉德釐正太平時膳錄以節虛耗之費禁斷諸都監
防納以遏奸私之路則積弊可祛其萬一大患可抒
於後日國家幸甚斯民幸甚

辭修撰疏

丁丑

伏以臣素有宿疾血氣虛弱腎胃受傷齒髮盡落經
絡不通上下偏枯大段一病人也加傷於上年喪中

真元枯渴榮衛否塞四肢蹇洪浮熱上攻百藥無效
自分必死幸而針灸暫蘇得謝 恩命去冬入山城
時臣在闕內隨 駕奴子先向江華衣裝糧馱盡棄
中路薄衣過冬艱辛萬狀終差督戰冒寒城堞仍致
添傷舊證益重 大駕還都之後國事罔極觸目傷
心一息尚存不敢言病力疾行公令已數月兩脚日
枯兩目日昏元氣大敗種種生病前患傷寒幾至不
救繼以苦痢至今彌留一月之內一日之間症勢變
換不可名狀此豈尋常呈病之比乎前日陳疏出於
閭迫而政院不諒以例見却僚貧多故替代無路忍

痛入番廩職亦多矣況近密非養病之地八宣無調
病之路而臣之疾一向沉痾遲留不治則必將死而
後已又自昨日添患新症上冷下熱寒熱交戰寢食
俱廢僵仆衿衾積傷膏肓之疾不可以歲月見差伏
願 聖明洞燭微臣悶迫情狀 特命速差本職俾
得投閒調理以全性命以便 公私不勝幸甚

再疏

伏以臣病勢深痼上下偏枯之狀上年疏及昨日疏
中盡已陳達不容再瀆以煩 天聰茅以宿疾既傷
拮据塊哭泣之中又傷於城壕凜寒之時真元已耗

榮衛不通下則足膝常冷屈伸疼痛上則氣息常升
呼吸煩促一身寒熱邈若天淵邪診之侵一日百變
既經重冒又患苦痢而國事罔極不敢呈病僚貲
互達亦難乞暇力疾行公今已數月症勢益重一向
焦枯而委頓殄殫藥無路自近日時氣向暑浮熱
極盛氣息雖存生意頓絕寢食久廢人事亦迷昨者
昏頓陳疏辭不達意例以調理察職下批感激之
至還增悶迫焉臣病實是膏肓積傷之症彌留日子
轉向危苦難以旬月易期差復伏願聖明洞燭危
迫情狀特命遼差本職俾得居閒針藥以全性命

以便公私幸甚

辭修撰兼陳時務疏

丁丑

伏以螻蟻微臣性昧才疎猥蒙 寵擢久玷從班常

時碌碌無補涓埃况當孤城受圍朝夕且危而死不

能操戈效死以衛 社稷大小帥臣臨亂負國而又

不能急言竭論以定是非臣之庸懦罪合萬死病滯

丘園以待嚴譴而意外 恩命連月再加兢惶感泣

罔知駑拙 國事艱危已至十分 鶴駕西行艱辛

萬狀此豈臣子私退自便之時乎不幸臣宿疾彌留

方在危苦去月既不能謝 恩今又稽滯非徒分義

未安當伏不恭之誠悶迫情懷不得不達於天覆之
下也臣之宿證非皮膚等閒之比受氣虛弱自少多
病積傷於苦塊榮衛不通幾至死域又傷於山城凍
寒冷熱不調遂成關隘氣息常升四肢常瘥暑濕加
侵沉綿過夏雖遇秋涼尚無蘇效以此登述勢將顛
仆伏願 聖明特令遠差以俟調養則上有全生之
恩下有再生之感矣 臣又竊伏惟念古之人雖在罪
謫亦多進言誠以忠臣憂國如家一飯不忘也 臣雖
庸病人事煩昧而當此艱危不盡所懷辜 恩負國
罪及充重倘不起疾抱恨泉壤故不量狂瞽敢獻一

得焉 陛下以天縱之資當陽九之運敵強國弱屈辱至此非徒管葛再生亦難籌畫如臣瞻瞻豈識時務臣以古書王接亂興衰之要直據出經傳中獻其四條焉伏願 陛下登省焉一曰立大本所謂大本者萬事之根萬化之源而立之之要俱在經書精一之旨傳自堯舜克復之訓發自孔顏百王所治皆本於此亦其旨則不過大理人欲之辨而先儒論之詳矣經席講之熟矣臣亦上年疏略陳梗槩不容更贅此本既立則利害不能動其心死生不能移其慮遇大難而處之晏如臨大變而制之沛然言之興王旋

乾轉坤變弱爲強者蓋由本立而權度不差也試以
太王文王之事實言之事獯鬻事昆夷困則困矣而終
恢大業不隕厥聞者一哉王心弗貳弗虞執德有常
自天佑之也伏願 殿下勿以前事自沮勿以後患
爲慮益進明誠兼盡智勇則安知今日之變亂不爲
啓聖興邦之資乎二曰振大綱所謂大綱者德禮政
刑之用也比之於網網張則紀張萬目皆張網廢則
紀廢萬目皆廢歷代帝王所以治亂興亡者皆判於
此矣上古民淳全以德禮而猶不廢政刑其曰治終
刑又曰予則孥戮汝上言帝王豈是不仁者哉蓋

體天地之生殺寓至仁於不仁之中也天地去殺則
不能成其功聖人去刑則不能成治道此所以至德
也世亦不能廢刑也三代以下德薄民詘全以政刑
維持謂之綱紀而猶能制一世之治矣漢宣帝唐宣
宗無他仁慈操此綱而不弛故能為治平之主漢元
帝唐僖宗無他將行弛此綱而不振故終歸亂亡而
已此綱一廢則人君威靈不行於堂陛之下况能震
動一世奔走豪傑乎頃者孤城受圍君父十分危
苦而文武將領上自元帥下至裨將皆無冒死赴難
之志或逗遛避行或虛驚潰散留時引日不肯進戰

終使大兵掩至陷沒廟社屈辱君父通天之罪
尚忍言哉事定之後遺君負國之臣無一人伏鈇鉞
者彛倫已斁憲章亦廢頽綱何由而振壞紀何由而
整乎自今以後軍不畏將令將不畏國律譬如癰疽
不決膿及一身四肢不能收拾十指不能屈伸而凡
百國事無可為者伏願殿下體大易之神武拯一
世之灾綱有功信賞有罪必罰不許勲戚不論貴賤
一從國典行以至公則一人奮義萬方興起安知周
世之威不立北高平楚莊之霸不始於斷懸乎三曰
明大義斯謂大義者三綱也倫五常之序棟樑乎宇

雷柱石乎生民捨此則人賴禽獸中國夷狄不可一日廢者也我 聖祖倡此義而回軍扶植維持今垂三百年我 殿下舉此義而撥亂發倫復明名分得正至於華夷之辨尤加嚴謹上年信使之來憤南越之黃屋仗桓文之大節不計強弱斥絕和議雖或不幸受禍至於屈膝 皇朝貢路不可便絕而間使陳奏亦且闕焉翹然無憂有若自絕 聖祖回軍之義至此而將泯 殿下明倫之義不久復晦而顧此君臣大義窮天地亘萬古而不可滅者則豈容一朝如是其昧昧乎勢有所逼縱未能軌壤如前忠信以感

之善便以圖之則盡朝兩事古有規例彼或知之豈
至深責況皇天廣大雖姑它客偶赫斯怒不可力拒
父母之威亦可畏也至於歸罪斥和竄黜臺臣尤有
未安焉當初使來善待羈縻觀勢伸縮者是廟堂
之長策而三司之臣責在扶植名義論執宜也斥逐
龍馬使也憤歸者不服其罪而執送竄謫竟歸於三
司之臣其中或有指語浮激者以此罪之則彼亦何
辭而罪以斥和誤國則豈徒渠等之冤哉是則殿
下以前日斥和為非而以今日屈服為是從前外攘
至此反虧矣執送之舉迫於強國而使他邦聞之猶

為無謂竄逐之罰在於本朝而國是之顛錯至於此
極恐為天下後世笑也伏願 殿下日月之明霽
雷雨之澤謝罪 天朝覃恩宣臣示哀痛於國內曝
誠棄於天下使知慘惻不得已之意則雖或兩事大
義不泯矣昔張重華歸晉李顯忠歸宋綱目特筆書
之彼生夷狄之域而猶篤尊周之誠況我二百年臣
事之邦義雖君臣恩同父子於戲其可忘乎四曰行
大公野謂大公者天地之心聖人之德帝王圖治何
事不體而至於任人尤有大焉上古用人立賢無方
洞開四門無所壅遏故側陋皆揚堯黜亦收柱石廟

堂者或起於板築魚鹽干城藩鎮者或出於行伍奴
虜此皆天降大任久處窮約故德慧術智亦足以建
功立事我朝用人只憑科目而浮藻無實用專尚閹
閹而違取有私違朝中陞擢者非卿相子弟則皆閹
茸攀附之輩間外委寄者非勳戚重臣則皆姻婭締
結之親父兄之勢只增其驕吝浮華之習反損其天
質居常難責其少效臨急安望其實績乎况司命者
興亡所係而揀選如此平時不識其排陣行師倉卒
惟觀其偷生逃死則憤事辱國不待臨亂而可知矣
曩日塗炭之獨魚罔之慘可勝言哉姑以江都之事

言之中軍千總等行間一偏裨耳何嘗知名謀不見
用慷慨抗憤三將逃散之後或突陣而死或赴水而
斃倘使兵柄寄其掌握則陷沒之慘豈至此哉此由
大公之道廢而選任之路狃親近者進而踈遠者滯
也我國偏小人物眇然西北兩界古高句麗之地良
相名將世不乏人而我朝廢棄不用謂之大荒夫
豈人才豐於古而乏於今也世無伯樂而謂無良馬
則不亦誣乎伏願 殿下懲覆車之轍廣顧俊之路
慎簡精擇俱收並畜勿以親貴而進之勿以踈遠而
棄之一以大公之心盡用一國之才則輦轂即滑豈

無懷寶之器礎巖棲遁亦有濟時之具矣嗚呼此四
條者皆治國之要道當今之急務而導水者必疏其
源植木者先培其根則四條之中又以立大本爲先
大本既立則大綱可振大義可明大公可行而此外
措置皆其緒餘耳臣久病中精神昏耗文字雜亂不
足以感動 天聽况未赴 召命濫陳狂疏極知僭
踰無所逃罪而憂國至誠臣子常分遭此罔極豈無
憤慨病伏紅堅吁籲無路結懇三清瀝血代騰伏願
聖明俯賜留覽勿以人廢言則 宗社幸甚生靈
幸甚

批下政院曰觀此劄辭殊非前日下教之意此劄還
出給

辭持平疏

伏以臣宿疾深痼之狀已陳前疏不容更瀆而歲月
滋久愈往愈甚元氣只在腰上而不及下部頭面煩
熱齒牙盡落足膝痠痺行步艱側榮衛已乖氣脉不
通勞勩失攝則種種生病飲食起居未能任意風雨
寒暑未嘗出戶者今至累年而感慙 聖恩側貳八
城冀得閒官待罪 輦轂矣除授本職之後獨行曹

司也事僚貧全闕又無相資呻吟痛行公已至一朔朝

往來時晝入 闕內或乘夕而還或留門而出食飲
失時脾胃大傷風寒所觸感冒亦重而本府已空呈
病未安欲待同僚之至力疾入之氣力委憊精神昏
頭上下臺廳扶持振臬堂令柳景綰八來之後猶多
暑熱留滯不敢告病忍痛坐坐以此大傷遂至委頓
胃逆復重飲食全廢自廿六日始呈病單而政院不
受柳景綰出去之後始為入啓而自 上又下出給
之敕兢惶怵惕同知府惜襄病痼疾如病軀之症一
飲一啄皆生係焉而臣全廢食飲已至一旬頭不能
舉是不能移雖欲出仕更無元氣昨夕 命下之後

欽聖昏仆仍致明 啓臣之罪及至此尤大伏願
聖明察其危迫狼狽之狀鑄劑本職以便公私不勝
幸甚臣無任惶恐祈懇之至

批曰省疏具悉耶陳之辭當令都監採用焉密運封
下都監

辭修撰疏 戊寅

伏以微臣宿疾深痼之狀已陳於亂前辭職疏 聖
明亦已洞燭不待更瀆而大累此疾營塊積傷之餘
又傷於山城凍寒榮衛不通遂成閉關上熱下冷一
日累變脾胃大敗不受全飲或有暫食亦不消下上

年秋冬間數至陞命連有 召命皆未起謝此非人
臣還闕之日豈不自知其未安席藁私室惶惧待罪
倘得銷罪則雖無職名亦欲充朝待命而襄境疾病
賦藥無效轉輾沉綿與日俱深兩目已暗兩腳已枯
每帳不得再瞻 威顏千萬意外又求 恩旨感泣
怵惕惻惻知所措未死之前必欲謝 恩是 臣也素志
也力疾必進寸寸前惟勞勩所傷更生新病幾盡於
息無之間義經十五日艱卒得達非延阻已久不
可仍別重地量出措勢必死而後已食飲起居不得
任事臣等竊一白委頓近密之地勢難行公伏願

取以望此狼狽危迫上狀特連職名俾得居閒
理則上自全生之思下有再生之感矣無任兢惶
隨之至誠死以謝

辭司諫疏

已卯

伏以踴躍小臣猥蒙 聖眷雨露偏私糜粉難酬
主微誠狗馬亦有人分義校謫可見此何等時而
有自便退閑之心乎不幸臣苦塊宿疾添傷亂離轉
成膏肓今已六年風火上攻於頭部齒牙盡落氣血
不及於四肢兩脚遂枯上下年齒症樣百變去年秋
夏家歛險疫二子繼亡心火轉劇連有 息命皆未

肅謝臣之罪戾自知難赦况今講院之除拜得侍

世子旌異域此人臣嗚咽忘生處也臣進講最久寤

寐猶憶跋涉之行死生當急矣去月十六日得見該

曹催促文字十九日祇受下諭二十四日登程中

路過歲不留一日力疾寸進久稽日子肅謝之期亦

未及限怠慢之罪至此尤大而罪不及身恩又踰

分諱既除命又出意外顧此言責重地以臣疲軟

豈敢玷辱况臣觸冒風雪大傷道路症勢彌留決難

行公伏願聖明洞燭危迫之情鑄臣職名以懲逋

慢以安微分不勝幸甚

批曰省疏具悉深用嘉尚予陳弊瘼當令廟堂參酌
變通矣爾其勿辭調理寮職

陳弊兼辭職疏

已卯

伏以踈遠小臣猥蒙 聖眷出入三司十年于茲而
少無涓埃裨補為一全負所學常懷愧懼况此變亂
之餘國事板蕩天災層疊饑饉連仍而 聖明憂勤
求言如渴臣無一言罪合萬死第念才非識務策何
匡時但以微衷貯慨時弊亟者略陳其一二焉當
今時事之可痛哭者大綱不振大義不明大公不行
大惠不宣此國勢之所以一向委靡而難救者也 臣

於往年疏力陳此說蓋欲以大變通大更張獻為興
衰撥亂之策而不自量也此則 殿下必先立其大
本然後可得次第時措不可以時月易期其效請以
今日膏肓之弊民怨神怒者條陳焉傳曰國之大事
在祀與戎子之野慎在於祀戰則斯為國之急務而
不可以虛文為者也我 朝歷年二百恬嬉歲久朝
廷百度皆是文具而其中祭享兵政尤不足觀享祀
不敬則神祇不歆兵政失實則民受其弊此所以天
怒於上民怨於下而災異譴譴愈往愈甚者也臣曾
任奉常寺熟見祭享之不謹而深知神祇之不佑矣

宗廟山陵猶或致誠郊祀山川元不加敬神牌藏室
上雨傍風床架不設烏鼠污穢席薦豆籩亦不別備
臨時取具雜以破毀祭官差送武夫居多奉行供設
創多藝慢齋戒爲裸豈中儀式凡百施爲皆歸違幅
流來已久恬爲異常神祇之不享久矣嗚乎享祀之
義豈端使然哉子曰明乎郊社之禮禘嘗之義治天
下其猶視諸掌乎夫治天下王者之極功而聖人猶
以爲易於祭祀其旨微矣蓋聖人制祭禮洞知天地
人一理一氣之分而必欲昭格無疆祖考與我分氣
未遠有孝有誠猶可以易格禘嘗合祭始祖以上之

神分氣已遠非至誠不能易格況郊社山川異我尤
為賾遠者乎其誠敬能格賾遠之神則治吾同胞之
民猶視諸掌此聖人所以尤重而觀諸渙萃二卦則
可知上下感通之妙矣臣愚以為令奉常寺別構淨
室以藏神牌席薦豆籩亦各別備藏於夾室令本司
官每月焚香如 宗廟聖殿之儀則無識下人舉至
尊奉祭官亦以秩高名官擇送太常之官亦使擇差
如伯之之類惟周澤之長聲以復古制則直哉惟清
亦不敢於之教茲恭享祀亦無悔怒之愆百祿備降
曰云申之河患六沙之沓至三空之荐臻哉臣生長

草野目覩軍卒之偏苦而深知兵政之失實矣當今
何民不困何事無弊而軍人之苦歲抄之弊尤甚焉
蓋既有身役又有田役兩歧侵剝剝到骨而各年
歲抄又全歸於其家乳下孩兒亦不得免焉至有一
家之十軍役者雖木石何以堪之哉尤可冤痛者老
除物故之時賣盡其田宅以充奉官之兵營人情而
既受公文之後又依自代其丁代丁之難難於物故
蓋自中年紀律離池士族子弟各有圖為良人土著
十無一二而每年歲抄悉如星火矣使嚴督守令畏
怯引年抄報皆出軍家長兒既盡則次括中兒中兒

已盡則又括孩兒所謂一家有十役者以此也各官
刑推里正受以密封而猶難充數或被責罰則私得
閒丁豈是容易是以老除者為終身也役物故者為
死後之役孤兒寡婦乞丐應役或有十年者或有數
十年者此皆出於有司之不仁而襲謬已久視為規
例雖有賢守令置之尋常亦莫肯變通哀此下民抱
冤靡訴孤離填壑之狀慘不忍見孩兒之役白髮之
役猶可說也白骨軍役言之嗚咽傷天地之和有水
旱之災者未必不由於此豈料聖世有此慘惻之
究乎有司之不仁如此而全責軍人之潰散亦云末

臣聞反正初年 進席上有變通之議而至今未

行者蓋由識務之無人也或年大歲抄每年別歲抄

始於太平烟火之盛時而欲行於亂離之後凋殘之

餘蔓弊至此無足在者養牛馬者求用於五年之後

養材木者求用於十年之後豈獨生齒一歲可長而

每年被括皆在軍家則弊安得不至此乎是則欲補

空戶而反失元戶每歲搔擾而空戶尤多得不補失

弊益無窮一流離一族皆徙一戶逃亡一里皆空

甚者侵及族之族鄰之鄰民生安得奠業乎臣考古

先王兵政在於將得其才兵得其精而不在虛張額

數也近來兵政則從務時軍糧儲軍器虛張額數而
將不擇才兵不務精故用律解弛見敵潰散糧器雖
多反為藉寇資盜之歸而已往年之禍可以必矣臣
愚以為式年大歲秋雖不可廢姑減其數以待凶歲
之滋長每年別歲抄特令停罷以此補給物故老除
代丁而比其他侵虐之弊次第釐革則軍人庶有安集
之望閭閻亦無橫羅之患一弛張而衆廢俱去矣天
下無不可救之廢時患知之不明行之不誠耳若曰
弊有不可救則繼亂亡而興者何以祛弊而致治乎
當今大亂之後不可無大變通大更張而回天感人

寢通中之野當先者也敬天勤民帝王之所以興慢
神虐民末世之野以亡而當今虐文之中尤不謹者
祭享也當今瘡痍之中尤可哀者軍人也 殿下旣
以盛德主百神子萬民則欽若勤恤在 殿下之心
宜盡其誠敬其所以更張之道特令 廟堂高礪要
通焉 臣 火症支離痺暑轉苦當此艱虞遭此慘災伏
枕流涕百憂耿耿欲達所懷言不成倫自知僭妄無
取逃罪况 恩命新加肅謝久稽又不能與長官同
出偕避通慢之罪至此尤大伏願 聖明洞燭狼狽
危迫之情特 命罷斥臣職以安愚分以便調理不

勝幸甚

辭執義疏

庚辰

伏以臣受氣虛弱素多痼病自甲戌年遭母喪丙子
年出山城之後榮衛失經氣血不通或食飲失時寒
暝不中則種種生病變轉難名故常謹調攝僅得扶
持食飲不過數合遠行不過一息過此則室塞昏眩
若將殞盡此實臣之常症也去年七八月間僚貲皆
以賄行出巡臣獨亘數月仍入試取脾胃大敗此症
復作負罪南還尋常惶懼纔數月未及調理而千萬
意外又有斯命感懼交并同知所措王侯違豫

之日退伏未安南方稍暖力疾登道及至中路猝遇
惡寒大敗重傷扶曳入城而謝 恩之後旋即呈病
似涉煩瀝龜勉行公不能發表因此彌留日甚一日
損傷已久向映益重自月初寒熱交戰食飲全廢不
得已循例呈單則又有選出給之 命兢惶怵惕措
躬無地臣 襄敗之極齒牙盡落居常調保藥力無驗
况積傷之症留連數月難以時日望其差復伏願
天地父母洞燭狼狽之狀曲察閼迫之情特達職名
居閒調攝以便公私不勝幸甚

辭司諫講院兼官疏

庚辰

伏以無狀小臣猥忝匪據出入三司十年于茲而綴
毫釐補當曜尸位加以痼疾纏身已成膏肓榮衛已
敗百步俱侵而遭時艱虞不能退閑力疾進退人所
共聞春初赴 命大傷瘁寒舊症復作數月彌留前
在憲府冒昧陳疏已蒙 恩通而未及調理旋授神
院繼有講院兼官之 命方在呻吟勢難行公而
世子之行已迫近郊退伏未安黽勉出謝固知顛踣
必速官謗况兼官之職素是極選除授之規自有其
人臣雖劣劣豈不知滋擾未安而此時此職不可自
避郊迎且急陳情無暇姑為出謝以俟公議而適見

前正郎柳穎於人家責以兼官何等職人人可行多
有說語何敢盡達臣之不肯招謗固其宜也但念士
夫廉耻之節若被詆斥則勿論其人之如何便可自
處况操持鈐柄低昂人物之人乎有覲面目不可仍
冒再度引避又呈辭單而辭不達意未蒙 恩達臣
之狼狽至此極矣 世子啓行已有日期上下遑遑
罔知所措此時瀆擾亦知惶悚而庶隅所係似難冒
居不得不更達伏願 聖明洞燭孤臣悶迫之情狼
貝之狀特 命遄差以安愚分不勝幸甚

擬請復設鄉約疏

伏以治道之汚隆人心之善惡皆係於風俗之正不正而近年以來風俗傷敗已至於十分地頭本根如此外方可知蓋自丁壬亂後京在野廢而綱紀已壞蔭守令多而是非不明風憲大防滅絕以矣士大夫又熈其自執鄉綱凡百論議皆不主張故雜類之無識無耻者乘時縱恣專擅一鄉以鄉權為立身之奇計以鄉任為起家之大利欺罔地主偷竊官物兼并鄉曲侵漁小民種種奸濫罔有紀極歲久年深已成痼弊朋家作黨牢不可破屏絕鄉約排斥士論終至於爭利相讎爭權相鬪大小州邑皆為戰場豈至於

傷敗人心壞弊風俗而已哉四維全喪悖亂日甚將
恐憂恠之作從此而權輿豈不寒心哉當此艱虞未
遑之時京在野之法雖不可猝復略倣其遺義稍存
鄉約之制令外方擇士大夫之有位望者定為約長
有司俾立風憲糾檢鄉風擇薦鄉任使奸濫之輩不
得任意恣橫則橫流之弊庶可止遏而揀正之策在
此時為尤急矣請令該曹行會各道分付到邑收捧
成冊勿置尋常著實舉行不勝幸甚



